

# PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

27 MEI 2021

KHAMIS



AKHBAR

TAJUK BERITA

M/S

KOSMO


DIKOMPAN RM45,000 KEMARUK SAMBUT RAYA

2



# KOSMO

Kosmo Khamis - 27/5/2021 - M.S 8



SEBAHAGIAN individu yang ditahan kerana berkumpul dan melanggar SOP PKP di Johor Bahru kelmarin.

## Dikompaun RM45,000 kemaruk sambut raya

**JOHOR BAHRU** – Seramai 30 individu termasuk remaja sangup menyewa tiga unit pangsapuri di bandar raya ini untuk berkumpul bagi meraikan Hari Raya Aidilfitri.

Tindakan itu bagaimanapun memakan diri apabila premis tersebut diserbu malam kelmarin menyebabkan kesemua mereka dikompaun dengan jumlah keseluruhan RM45,000.

Ketua Polis Daerah Johor Bahru Selatan, Asisten Komisioner Mohd. Padzli Mohd. Zain berkata, serbuan pada pukul 12.15 tengah malam itu melibatkan dua unit pangsapuri di Jalan Tanjung Puteri dan satu lagi di Persiaran Jaya Putra, Taman Jaya Putra di sini.

Mereka dipercayai menyewa unit tersebut selama beberapa hari untuk berkumpul sempe-

na hari raya.

“Mereka terdiri daripada 19 lelaki dan 11 wanita berusia 16 hingga 29 tahun.

“Ketika serbuan dilakukan, mereka berkumpul di ruang tamu tanpa penjarakan fizikal serta tidak memakai pelitup muka,” katanya dalam satu kenyataan di sini semalam.

Menurut beliau, tindakan kompaun itu dibuat mengikut Perkara 16 Peraturan-Peraturan Pencegahan dan Pengawalan Penyakit Berjangkit (Langkah-Langkah di dalam Kawasan Tempatan Jangkitan) (Kawalan Pergerakan) (No. 2) 2021.

Beliau mengingatkan golongan muda agar menghentikan aktiviti berkumpul supaya dapat bersama-sama memutusan rantaian jangkitan Covid-19.

